



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Elogia Patriarcharum, Et Christi Jesu Dei Hominis.  
Emanuelis Thesavri Patritii Taurinens. Et Aloysii Jvglaris è  
Societate Jesu**

**Giuglaris, Luigi**

**Francofvrti, 1684**

Hæmorrhousam à fluxu sanguinis curat. 32

**urn:nbn:de:hbz:466:1-38349**

*Si enim asinus inci-  
disset in foveam lice-  
bat illud attollere.*

Habe tibi fetias tuas, perfida natio,  
Quæ severiores sint hominibus, quam Afellis,  
Deo, & sapientibus, qua die non licet benefacere  
Nec licet vivere.

ELOGIUM XXXII.  
HÆMORRHOISSAM A FLUXU  
SANGUINIS CURAT.

*Matth. 9. Marc. 5. Luca 8.*

*Chrysolog. serm. 55.*

*Mulier qua fuerat  
multa perpeffa, &  
erogaverat omnia  
sua, nec profecerat  
quidquam, sed dete-  
rior habebat.  
Pecunia secundus  
hominis sanguis.  
Desperaverat enim  
remedium.*

*Etenim notat Hie-  
ron. in hunc locum  
per legem, ut im-  
munda excludeba-  
tur ab urbibus, & à  
templo.*

*Idem Chrysolog.  
serm. 36.*

*Ibat enim tunc  
Christus ad excitan-  
dam Archisynagogi  
filiam.*

*Turba enim compri-  
mebant illum.*

*Chrysol. serm. 34.*

*Venit in turba retro,  
& tetigit vestimen-  
tum ejus, &c.*

*Chrysol. serm. 33.*

Desperatis in rebus fit Magistra necessitas;  
Dat sæpe salutare consilium vis doloris;  
Multis Medicinam non invenisse  
Remedium fuit.  
Immunda morbi sui sordibus fœmina,  
Annum jam duodecimum fatigans Hippocratem,  
Secundo crumenas exhausta sanguine,  
Venas primo,  
Pro Medicina mortem expectat.  
Artis non adjuta præfidiis,  
Naturæ viribus destituta,  
Inde Rea, unde misera,  
Turpi luit exilio fortunæ suæ crimen;  
Infelix, seu quod se ipsam non potest deserere,  
Seu quod non sufficit tolerare.  
Fit illi salutis occasio viator Deus,  
Quem adire prohibebatur in templo.  
Inventum in itinere pia fraude circumvenit.  
Habet calamitatis suæ prima solatia  
Tantæ lenitatis aspectum.  
Credidit passurum se tangi, qui se pateretur & opprimi.  
Verecundi tamen conscia ulceris  
Nolens doloris remedium, cum pudoris injuria,  
Studet facere occultum de publico,  
De turba secretum.  
Retro se sistens,  
Ac si non habuisset etiam retro oculos Deus,  
Emens supplicis reverentia beneficium,  
Cum medicinam poscere non auderet,  
Admota simbriis manu furata est sanitatem.

Nulli

Nulli non utile latrocinium,  
 Quod fides imperavit, spes fecit.  
 Non habuit Phariseorum fimbrias Christus;  
 Tulit ille ibi remedia vulnerum,  
 Ubi ipsi vulnerum causas,  
 Infecerat amabili contagie  
 Benignitatis Genius vestes ipsas.  
 Ne laciniæ quidem videri voluerant,  
 Illi magis ad pompam, quam nobis ad utilitatem  
 servire.  
 Passus est à modestia similitudinē violentiæ Deus;  
 Tactum impressum in fimbria, sensit in corde.  
 Excitate alios ad idem latrocinium voluit,  
 Cujus artificium non passus est regi.  
 Partes suas putat erigere fœminam,  
 Quæ se, quo ad usque potuerat, depressisset;  
 Filiam vocat, quæ se bis Patrem esset experta.  
 Ad valetudinem adjicit alia quietis viatica,  
 Illum unum illi dolorem relinquens,  
 Quod Medicis indigens eum postremum adiisset,  
 Quem primum debuerat.  
 Felix; quæ talem ad Deum accessum invenerit  
 Quem impedire turba non posset.  
 Nos infelices è contra,  
 Qui quotidie Christum tangimus, nec curamur,  
 Utpote ii, quibus ad remedium  
 Jam non Christus deest, sed fides.

*Catena in hunc locum  
 notat ex Hieronymo,  
 quod Pharisei  
 spinas in fimbriis  
 ferrent, ut cruorem  
 elicerent.*

*Vestes Christi  
 quodam infectæ  
 contagio.*

*Non enim ausus  
 negare beneficium  
 modestiæ.*

*Hoc est ad rapiendam  
 salutem per  
 fidem.*

*Proprium Dei manus  
 superbos depri-  
 mere, jacentes  
 erigere.*

*Chrysost. hom. 32.  
 in Evang. Matth.*

*Quæ major hujus  
 mulieris culpa.*

*Chrysolog. serm. 36.  
 Ad Sacerdotes sa-  
 cerdos alludit, quæ  
 quotidie celebrant.*

*Idem Chrysolog.  
 serm. 37.*

### ELOGIUM XXXIII.

E DECEM LEPROSIS NOVEM  
 EXPERITUR INGRATOS.

*Luca cap. 17.*

Alit calamitas reverentiam Dei.  
 Et ærumnosa modestiam  
 Felix nullus exæquet.  
 Supplices ut multos Christus habuerit,  
 Nullos leprosis pares invenit.  
 Ne salutem minus mererentur audacia,  
 Steterunt, quasi parati ad omnia, sed à longe.

*Steterunt enim à  
 longe leprosi im-  
 plorantes opem  
 Christi.*

*De aliis legimus,  
 quod accesserunt  
 ad eum.*

D Accel-